

Воспитандамс и касфтомс од выдвиженецнень

Минь странасонк социализмат фкя инь оцю завоеванияц ся, што партиять руководстванц ала касффт талантливый, смелый стама од ломатть, конат беззаветна преданнайхть Ленинт—Сталинт тевонцты—социализмань тевти.

Пошадафтома машфнемок троцкистско-бухаринский, буржуазно-националистический шпиоттнень, вредительхнень и диверсантнень, партиясь и советский правительствась выдвигают руководящай работас передовой ломатть, партийнай и аф партийнай большевикт, народть вернай цюранзон и стирензон.

Мужественнай и талантливый лама од кадрат выдвинутайхть руководящай комсомольский, советский и хозяйственной работас, конатнень воспитандазь и касфтозь коммунистический партиясь и сонь Сталинский Центральной Комитет.

Лама комсомолец работайхть колхознай председателксь, коса няфтезь эсь пряснон, кода цебарь и опытной колхознай руководителхть. Прекрасна работай комсомолец Гуреев ялгась, конац колхознай председателста, выдвинутай Ковылкинань РайЗО-ть заведующаенцы заместителксь.

Комсомолец Спиринць работай Рыбкинань районца колхознай председателксь, коса колхозть лихтезе районца васенце вастти. Тя кизоня тундань видемать колхозсь аделазе срока инголе и цебарь качества мархта. Большевистский руководствань замечательнай образец няфни комсомолец Пугачевсь. Сон ульсь выдвинутай председателксь отсталый колхозс, но тьяни тя колхозсь Рыбкинский районца лувондови фкя инь передовой колхозкс.

Од кадратне, самок земельнай оргаттненьди, оцю энергияса машфнихть велень хозяйстваса вредительский последствиянень, конатнень тиендезь народонь вракне, эцемонок земельнай органонь руководствати. Синь смелста синнесазь работань бюрократический стильть.

Замечательнай од пополнения получасть республикаса кооперативнай оргаттне. 90-да лама лучшей комсомолец и афсоюзнай одломатть выдвинутайхть кооперативнай работас, конатнень эзда ламоц пяк лац тиендсазь эсь тевснон.

Инь оцю сатфксокс республиканский комсомольский организация ащи нинге ся, што сон, машфтомок троцкистско-бухаринский, буржуазно - националистический бандиттнень, шпиоттнень, диверсантнень, вредительхнень и синь вредительский последствиянон, выдвинул 60-да лама комсомольский низовой актив руководящай ком-

сомольский работас. Комсомолец Пряжин, кода цебарь производственник и активнай комсомолец, выдвинутай Zubovo - Полянань ВЛКСМ-нь райкомти секретарксь. Тюгаев, Надешкин, Богомолов, Зевакина ялгатне ВЛКСМ-нь первичнай комитетонь членцта выдвинутайхть ВЛКСМ-нь обкомть аппаратс.

Но эряви азомс, што ВЛКСМ-нь обкомсь эрявикс лезкс разнай органонь руководящай работас выдвинутай ялгатненьди аф максси. ВЛКСМ-нь райкомтне, станя жа ВЛКСМ-нь обкомсь кодамовок работа синь йотксоц аф йотафнихть. Вов мезе съормады од выдвиженецсь Рыбкинский районца Чалдаев ялгась:

„Монь ВЛКСМ-нь первичнай комитетонь секретарьста кочкамазь Рыбкинань ВЛКСМ-нь райкомти секретарксь, коса мон ни работан 9 кофт, но 9 ковоень работазень пингста, мон пцтай кодамовок лезкс ВЛКСМ-нь обкомть ширде ашень получа“.

Тяфтама съормада редакциясь получахнесь пяк лама, сембе синь корхтайхть сянь колга, што ВЛКСМ-нь обкомсь од выдвиженецненьди эрявикс лезкс аф максси.

Од выдвиженецне вполне справедлива упрекают ВЛКСМ-нь обкомть сянь инкса, што сон ня од выдвиженецнень пцтай йофси юкстазень, аф максси тейст эрявикс лезкс. Особенна калдяв мяль шарфнихть ВЛКСМ-нь обкомть руководителенца од выдвиженецненьди, конат аф кунара выдвинутайхть советский и хозяйственной органонь руководствас. ВЛКСМ-нь обкомть работниконза вльня афи содасазь мзяра республикаса комсомолецт и афсоюзнай одломатть работайхть тяфтама работаса. Синь юкстазь ВКП(б)-нь и ВЛКСМ-нь ЦК-тнень указанияснон сянь колга, што повседневно выращивать и воспитывать од выдвиженецнень, повседневно заботендахнемс синь колгаст—ленинский комсомолть тя неотложнай задацац, синь юкстазь Сталинский заботать ломаттнень—кадратнень колга.

Районнай комсомольский комитеттне и ВЛКСМ-нь обкомсь обязатт заботендамс выдвиженецнень колга и макссемс тейст эрявикс лезкс синь работасот.

Хозяйствань сембе отраслянь руководящай оргаттненьди одломанень широкий привлечениясь лезды партияти куроконь пингста машфтомс троцкистско-бухаринский, буржуазно-националистический бандиттнень, шпиоттнень и предательхнень вредительский последствиянон. По-большевистски лездозь ладямс работать хозяйственной и советский оргаттнень эса.



Михаил Андреевич Чембулатов—Мордовский АССР-нь ЦИК-ть председателец—регистрировандаф РСФСР-нь Верховнай Совету депутатонди кандидаткс Темниковский 679-це № избирательнай округть эзга.

Мордовский АССР-нь Верховнай Совету кочкамань
Куракинский 104-це № избирательнай округонь
Окружной избирательнай комиссиясь постановленияста
МАССР-нь Верховнай Совету депутатонди кандидатть

**Семен Максимович Дьяконов ялгать
регистрациянц колга**

„Мордовский АССР-нь Верховнай Совету кочкаматнень колга Положениять“ 50-це статьянц коряс, регистрировандамс Мордовский АССР-нь Верховнай Совету депутатонди баллотировандамс Куракинский 104-це № избирательнай округть эзга, Куракина веле, выставленнай колхозникнень общай собраниясоц, конатнень эса присутствовандасть 596 ломатть, Мордовский АССР-нь Верховнай Совету депутатонди Семен Мак-

симович Дьяконов ялгать кандидатуранц, кона шачсь 1902 кизоня ВКП(б)-нь член, ВКП(б)-нь Ардатовский райкомть секретарец, эряй Ардатов ошса.
„Мордовский АССР-нь Верховнай Совету кочкаматнень колга Положениять“ 55-це статьянц коряс Семен Максимович Дьяконов ялгать кандидатуранц съормадомс Куракинский 104-це № избирательнай округть эзга избирательнай бюллетенти.

Н. В. Красовский ялгась

регистрировандаф МАССР-нь Верховнай Совету
депутатонди кандидаткс

Мордовский АССР-нь Верховнай Совету кочкамань Алтарский 67-це № избирательнай округонь Окружной избирательнай комиссиясь регистрировандазе МАССР-нь Верховнай Совету депутатонди баллотировандамс и съормадозе избирательнай бюллетенти Алтарский 67-це № избирательнай округть эзга Николай Викторович Красовский ялгать кандидатуранц, кона шачсь 1904-це кизоня, ВКП(б)-нь член, Мордовский АССР-нь внутреннй тевонь наркомсь, эряй Саранск ошса.

РСФСР-нь Верховнай Советонь кочкамань Темниковский 679-це № избирательнай округонь Окружной избирательнай комиссиять постановлениянц эзда РСФСР-нь Верховнай Совету депутатонди кандидатокс

Михаил Андреевич Чембулатов ялгать регистрациянц колга

„РСФСР-нь Верховнай Совету кочкаматненъ колга Положениять“ 52-це статьянц коряс, регистрировандамс РСФСР-нь Верховнай Советонь депутатонди баллотировканди Темниковский 679-це № избирательнай округт эзга Михаил Андреевич Чембулатов ялгать, 1897-це кизоня шачфть, ВКП(б)-нь членть, Мордовский АССР-нь Центральной Исполнительной Комитетт председателенц, эряй Саранск ошса, конанц кандидатуранц

выставили рабочайнъ и служащайнъ, инженерно-технический работниконь, колхозникненъ, единоличникненъ мархта марстонь собраниясна, конатненъ эса присутствовандасть 3464 ломатть.

„РСФСР-нь Верховнай Совету кочкаматненъ колга Положениять“ 57-це статьянц коряс, съормадомс Михаил Андреевич Чембулатов ялгать кандидатуранц избирательнай бюллетенти Темниковский 679-це № избирательнай округт эзга.

Мордовский АССР-нь Верховнай Совету кочкамань Куликовский 16-це № избирательнай округонь Окружной избирательнай комиссиять постановленияста МАССР-нь Верховнай Совету депутатонди кандидатт

Иван Федорович Криворотов ялгать регистрациянц колга

„Мордовский АССР-нь Верховнай Совету кочкаматненъ колга Положениять“ 50-це статьянц коряс, регистрировандамс Мордовский АССР-нь Верховнай Совету депутатонди баллотировкандамс Куликовский 16-це № избирательнай округт эзга, выставленнай колхозникненъ марстонь собраниясост, конатненъ эса присутствовандасть 736 ломатть, Мордовский АССР-нь Верховнай Совету депутатонди Иван Федорович Криворотов ял-

гать кандидатуранц, конац шачсь 1910 кизоня, беспартийнай, Теньгушевский МТС-ть комбайнероц, эряй Теньгушева велеса.

„Мордовский АССР-нь Верховнай Совету кочкаматненъ колга Положениять“ 55-це статьянц коряс, Иван Федорович Криворотов ялгать кандидатуранц съормадомс Куликовский 16-це № избирательнай округт эзга избирательнай бюллетенти.

Федор Егорович Храпунов ялгасъ

регистрировандаф Мордовский АССР-нь Верховнай Совету депутатонди кандидатокс

Мордовский АССР-нь Верховнай Совету кочкамань Камаевский 81-це № избирательнай округонь Окружной избирательнай комиссиясь регистрировандазе Мордовский АССР-нь Верховнай Советонь депутатонди баллотировканди и съормадозе избирательнай бюл-

летенти Камаевский 81-це № избирательнай округт эзга Федор Егорович Храпунов ялгать кандидатуранц, кона шачсь 1911-це кизоня, ВЛКСМ-нь член, Ладский МТС-ть трактористоц, эряй Лада велеса, Ладский районца.



СНИМКАСА: (Кяржи ширде види шири) П. И. Казанцев ялгасъ, МАССР-нь Наркомземть машинно-технический отделонц начальникоц, зарегистрировандаф РСФСР-нь Верховнай Советонь депутатонди кандидаткс 676-це № Ковылкинский избирательнай округт эзга.

И. Н. Куприянов ялгасъ МАССР-нь Совнаркомть председателенц заместителец, зарегистрировандаф РСФСР-нь Верховнай Советонь депутатонди кандидаткс 674-це № Атяшевский избирательнай округт эзга.



Константин Васильевич Быстров — ВЛКСМ-нь Мордовский обкомть секретарец — регистрировандаф Мордовский АССР-нь Верховнай Совету депутатонди кандидаткс Аловский избирательнай округт эзга.

Николай Михайлович Марсяев — ВЛКСМ-нь Козловский райкомть секретарец — регистрировандаф МАССР-нь Верховнай Совету депутатонди кандидаткс Лобасовский избирательнай округт эзга.

Константин Васильевич Быстров ялгасъ регистрировандаф МАССР-нь Верховнай Совету депутатонди кандидаткс

„Мордовский АССР-нь Верховнай Совету кочкаматненъ колга Положениять“ 50-це статьянц коряс, регистрировандаф Мордовский АССР-нь Верховнай Совету депутатонди баллотировкандамс Аловский 98-це № избирательнай округт эзга, выставленнай колхозникненъ, учительненъ и служащайхненъ марстонь собраниясост, конатненъ эса присутствовандасть 653 ломатть, Мордовский АССР-нь Верховнай Совету депутатонди

Константин Васильевич Быстров ялгать кандидатуранц, кона шачсь 1909 кизоня, ВКП(б)-нь член, ВЛКСМ-нь Мордовский обкомть секретарец, эряй Саранск ошса.

„Мордовский АССР-нь Верховнай Совету кочкаматненъ колга Положениять“ 55-це статьянц коряс, Константин Васильевич Быстров ялгать кандидатуранц съормадомс Аловский 98-це № избирательнай округт эзга избирательнай бюллетенти.

Ф. М. Кададов ялгасъ

регистрировандаф МАССР-нь Верховнай Совету депутатонди кандидаткс

Мордовский АССР-нь Верховнай Совету кочкамань Оброченский 85-це № избирательнай округонь Окружной избирательнай комиссиясь регистрировандазе МАССР-нь Верховнай Совету депутатонди баллотировканди и съормадозе избирательнай бюллетенти Обро-

ченский 85-це № избирательнай округт эзга Федор Михайлович Кададов ялгать кандидатуранц, кона шачсь 1913 кизоня, ВЛКСМ-нь член, Ичалковский МТС-ть трактористоц, эряй Ичалковский районца, Рождественка велеса.

И. С. Купцов ялгасъ

регистрировандаф МАССР-нь Верховнай Совету депутатонди кандидаткс

Мордовский АССР-нь Верховнай Совету кочкамань Кишалинский 33-це № избирательнай округонь Окружной избирательнай комиссиясь регистрировандазе МАССР-нь Верховнай Совету депутатонди баллотировкандамс и съормадозе избирательнай бюллетенти Киша-


линский 33-це № избирательнай округт эзга Иван Семенович Купцов ялгать кандидатуранц, кона шачсь 1913-це кизоня, ВКП(б)-нь членонди кандидат, ВЛКСМ-нь Атюрьевский райкомть секретарец, эряй Атюрьева велеса.

Максим Андреевич Рыськин ялгасъ

регистрировандаф Мордовский АССР-нь Верховнай Советонь депутатонди кандидаткс

Мордовский АССР-нь Верховнай Совету кочкамань Темниковский сельский 20-це № избирательнай округонь Окружной избирательнай комиссиясь регистрировандазе Мордовский АССР-нь Верховнай Советонь депутатонди баллотировканди и съормадозе избирательнай бюллетенти Темниковский

сельский 20-це № избирательнай округт эзга Максим Андреевич Рыськин ялгать кандидатуранц, кона шачсь 1915-це кизоня ВЛКСМ-нь член, Подгорно-Канакowski велень советть председателец, эряй Подгорно-Канакowski велеса, Темниковский районца.



Андрей Александрович Фомин ялгась — ВКП(б)-нь Саранский горкомт секретарь — регистрировандаф МАССР-нь Верховный Советонь депутатонди кандидаткс Саранск ошень Центральной Избирательной округт эзга.



В. П. Петушков ялгась — ВКП(б)-нь Мордовский обкомт велень хозяйствань отделонц заведующаец зарегистрирован Мордовский АССР-нь Верховный Совету депутатонди кандидаткс Инсарский избирательной округт эзга.

В. И. Зубрилин ялгась

регистрировандаф МАССР-нь Верховный Совету депутатонди кандидатокс

Мордовский АССР-нь Верховный Совету кочкамань Жегаловский 22-це № избирательной округонь Окружной избирательной комиссиясь регистрировандазе МАССР-нь Верховный Совету депутатонди баллотировандамс и съормадоме избирательной бюллетенти Жегаловский 22-це № избирательной округт эзга Василий Иванович Зубрилин ялгать кандидатуранц, конац шачсь 1919-це кизоня, Ленинский комсомолонь член, Полянка велень колхозник, Пурдошанский райононь.

Максаськ, кода фкя, эсь вайгяленьконь Толстых ялгать инкса.

Минь рабфаконь студентне, горячо приветствуем. Толстых ялгать кандидатуранц в д в и ж е н и я н ц МАССР-нь Верховный Совету депутатокс. Толстых ялгась — минь инь цебярь преподавательница, конац беспредельна преданнай Ленинт — Сталинт партияц тевонцты. Минь кемоста увереннайхтяма, што Толстых ялгась честь мархта оправдандасы МАССР-нь Верховный Совету депутатонь звания.

Минь содасаськ Толстых ялгать, кода активнай общественница, ВЛКСМ-нь активнай членонь и честнай и добросовестнай преподавательница.

Аф ваномок загруженностть лангс. Толстых ялгась сяськондемок сембе трудностнень, максси студенттненьди максимум знания, конац теинек необходимай высшай учебнай заведенийс поступления.

Минь, кода фкя, максаськ эсь вайгяленьконь Толстых ялгать кандидатуранц инкса.

Мордовский рабфаконь студентонь группа: Воеводин, Балуконь, Нестерин, Тюрин, Синяков.

ОПРАВДАНДАСЫ НАРОДТЬ ДОВЕРИЯНЦ

Анастасия Афанасьевна Толстых ялгась рабочаень стирь, ВЛКСМ-нь член, работай Мордовский рабфакса рузонь кялень и литературань преподавательницакс. Рабфакса работанц пингста Толстых ялгась няф-тезе прянц, кода квалифицированный педагог, цебярьста содасы эсьте вонц, пяк грамотнай литературань областса, увлекательнайста и живоиста приподносит студенттненьди программнай материалт, методически правильнайста йотафнесыне занятиятнень.

Толстых ялгась примоси активнай участия общественнай эряфса, кода рабфакса, станя и ошень соответствующай организациятнень порученияснон коряс. Ащи рабфакса ВЛКСМ-нь комитетонь членкс, ламоксть тиендсь докладт общественно-политический и литературнай разнай темас, кода рабфаконь студенттнень йоткса, станя-жа и ошень соответствующай организациятнень порученияснон коряс ошса.

Рабфакса цебярь производственной и общественной работанц инкса, Анастасия Афанасьевна Толстых ялгась ламоксть ульсь казф.

СССР-нь Верховный Совету выборхнень пингста Толстых ялгась ульсь выдвинутай и работась Окружной избирательной комиссиянь секретарькс.

Толстых ялгась Ленинонь — Сталинонь партият тевонцты нефтема преданнай, сон честь мархта оправдандасы народть довериянц, улемок МАССР-нь Верховный Советса депутаткс.

Рабфакт учебнай частенц заведующаец.

Н. Семенов.

Мордовский АССР-нь Верховный Совету кочкамань Козловский 91-це № избирательной округонь Окружной избирательной комиссиять постановлениянц эзда

АЛЕКСАНДР ИВАНОВИЧ КАТАЛОВ ЯЛГАТЬ РЕГИСТРАЦИЯНЦ КОЛГА

„Мордовский АССР-нь Верховный Совету кочкаматнень колга Положениять“ 50-це статьянц коряс, регистрировандамс Мордовский АССР-нь Верховный Совету депутатонди баллотировандамс Козловский 91-це № избирательной округт эзга, выставленнай колхозниконь и колхозница, педучилищань коллективонь, рабочайхнень и служащайхнень и единоличникнень общай собраниява, коса сембоц ульсь 825 ломань,

Мордовский АССР-нь Верховный Совету депутатонди Александр Иванович Каталов ялгать кандидатуранц, конац шачсь 1914 кизоня, беспартийнай, Чукальский МТС-нь токарь, эряй Наб Сиреси велеса, Козловский рн-ца.

„Мордовский АССР-нь Верховный Совету кочкаматнень колга Положениять“ 55-це статьянц коряс, Александр Иванович Каталов ялгать кандидатуранц съормадомс Козловский 91-це № избирательной округт эзга бюллетенти.

Мордовский АССР-нь Верховный Совету кочкамань Апраксинский 88-це № избирательной округонь Окружной избирательной комиссиять постановленияста МАССР-нь Верховный Советонь депутатонди кандидатт

Леонид Семенович Кузнецов

ялгать регистрациянц колга

„Мордовский АССР-нь Верховный Совету кочкаматнень колга Положениять“ 50-це статьянц коряс, регистрировандамс Мордовский АССР-нь Верховный Совету баллотировандамс Апраксинский 88-це № избирательной округт эзга Леонид Семенович Кузнецов ялгать, 1910-це кизоня шачфть, ВКП(б)-нь членть, ВЛКСМ-нь Мордовский обкомт секретаренц, ко-

нань кандидатуранц выставили трудящайхнень марстонь собраниясна и обществасна, конатнень эса ульсь 240 ломань.

„Мордовский АССР-нь Верховный Совету кочкаматнень колга Положениять“ 55-це статьянц коряс съормадомс Леонид Семенович Кузнецов ялгать кандидатуранц избирательной бюллетенти Апраксинский 88-це № избирательной округт эзга.

Петр Федорович Смирнов ялгась

регистрировандаф МАССР-нь Верховный Совету депутатонди кандидатокс

„Мордовский АССР-нь Верховный Совету кочкаматнень колга Положениять“ 50-це статьянц коряс, регистрировандаф Мордовский АССР-нь Верховный Совету депутатонди баллотировандамс Пурдошанский 23-це № избирательной округт эзга, выставленнай колхозникнень и трудящай обществатнень марстонь собраниясог, конатнень эса присутствовандасть 959 ломатт, Мордовский АССР-нь Верховный Совету депутатонди

Петр Федорович Смирнов ялгать кандидатура, кона шачсь 1894 кизоня, ВКП(б)-нь член, Мордовский АССР-нь НКВД-нь Народный Комиссарть заместителец, эряй Саранск ошса.

„Мордовский АССР-нь Верховный Совету кочкаматнень колга Положениять“ 55-це статьянц коряс, Петр Федорович Смирнов ялгать кандидатура съормадф Пурдошанский 23-це № избирательной округт эзга избирательной бюллетенти.



М. И. Кирсанов ялгась — Мордовский АССР-ть эзга ВКП(б)-нь ЦК-са партколлегиат секретарь — регистрировандаф Мордовский АССР-нь Верховный Совету депутатонди кандидаткс Б. Березниковский райононь Судосевский избирательной округт эзга.



А. А. Мишин ялгась — ВКП(б)-нь Мордовский обкомт советский и торговлян отделонц заведующаец — регистрировандаф Мордовский АССР-нь Верховный Совету депутатонди кандидаткс Вертелимский избирательной округт эзга.

КОМСОМОЛЬСКИЙ ЭРЯФСЬ

Вельф пашкотькшнесазь производственной норматнень

Аф лама йотась пингта, мзярда ВЛКСМ-нь ЦК-сь лихтсь путфкс одломаттнень йоткса социалистический соревнованиять вишкоте-манц колга, штоба ознаменовать комсомолть 20 кизонь топодеманц соцсоревнованиять келиста развер-тываниянц мархта.

Лама комсомольский организацият честь мархта пашкотькшнесазь ни ВЛКСМ-нь ЦК-ть тя решениянц. Вов Малав велень производствен-ной первичной комсомольской ор-ганизациясь ВЛКСМ-нь ЦК-ть тя важнейшей решениянц йотафнесы-ни эряфс.

Комсомолец Н. П. Булавкин ялгась тундань видеать пингста работась сеялкаса севачекс, коса 4,5 гектархт нормать вастс вить-сесь шити 10,5 гектархт.

Комсомолец Иван Булавкинц, Тимофей Кечинц, Григорий Тяп-

кинц 1,5 гектархт норматнень вастс соксесь 2,5 гектархт.

Аф анычек синц нят ялгатне работасть ударнайста, сивь воз-лавили соцсоревнованиять афсоюз-най одломаттнень йоткса, конат синь мархтост марса работасть пак-сяса. Вов например, афсоюзнай од-ломаттне: Василий Гагинц, Тро-фим Белоусовсь, Алексей Тюр-кинц станя-жа эрь шине вельф пашкотькшнесазь работань эсь нор-масном.

Афсоюзнай одломанц Семен Бе-лоусовсь работамок сеялкаса севачекс шити видендсь 10,5 гектархт.

— Минь аф лоткатама нят сатфкс-нень лангс,—корхтайхть нят ялгат-не.—Минь сяда товга карматама работама нинге сядонга лац тар-гасаськ эсь мельганк сембе афсо-юзной одломаттнень.

Алешин.

Рыбкинань район.

Анычек Сезинти „аш тев“

Од-Толку велень школаса ули пионерский организация, конач ащи колма отрядста. Васенце от-рядса вожатайкс работай Сезин ял-гась. Сезин ялгась аф лувондсы эрявиксонди, штоба ладямс пио-нерский работай и пионерхнень мархта вятемс воспитательной ра-бота.

Миркин и Гардеев пионерво-жатайхне работасном вятсьазь ламода цебарьста. Пионерхнень йоткса синь лувондыхть газетат, журналхт и стак тов.

Учительти-комсомолецти — Се-зин ялгати эряви сявомс пример ученикнень-комсомолецнень эзда и шарфтомс тя работай шири-оцю мяль.

Козин.

Рыбкинский район.

Комсомолецнень „примерсна“

Анаю велеса (Зубунь район) йофси юктаф культурно-массовой работась. Анаю велеса ули клуб. Клубть эса кодамовок работа аф йотафневи, комсомолецне клубса нарушандакшнесазь дисциплина-ть.

Комсомолецне афсоюзной одло-маттненьди пример аф няфнихть, сяс мес синь даже аф анычек культурно-массовой работа аф вятихть, а нльня тусть сят ломат-нень мельга, конат тиеньдыхть ульцяса и клубса безобразият.

Комсомольский организаторти эряви куроконь пингста шарфтомс оцю мяль комсомолецнень и аф-союзной одломаттнень воспитан-дамасном лангс, куроконь пингста ладямс культурно-массовой рабо-тат.

Ларионов Г.

Аш работа

Коммунистонь партиясь путь ком-сомолть инголи оцю и важнай по-литический задача—воспитандамс од поколениять коммунистический духса. Вов Вертелимский й районца, Сарга велеса комсомоль-ский организациясь одломаттнень йоткса кодамовок массово-поли-тический работа аф вяти. Беседат, докладт аф йотафни. Нльня сонць комсомольский комитетсь пале ки-зонь работанц пингста ашезь йотаф-

та фкявок заседания и фкявок пу-ромкс комсомолецнень мархта.

Комсомолонь комитетонь секре-тарсь Пьянзинц, сян вастс, што-ба ладямс политико-воспитательной работат, симонди винада.

ВЛКСМ-нь Вертелимонь райком-ти эряви варжакстомс Саргань комсомольский организациять ра-ботанц лангс и примамс эрявикс мерат бездельникнень каршес.

Комсомолец

Вертелимский р-н

РЕСПУБЛИКАНСКИЙ ИСПАНИЯСА



СНИМКАСА: «Колизей» кино-театрать зданиац, конач разрушенной бомбарди-ровкит пингста.

Фотось Союзфототь.

РСФСР-нь и МАССР-нь Верховнай Совету! кочкаматненьди анокламаса комсомольский организациятнень задачасна

СССР-нь Верховнай Совету вы-борхнень эса Мордовский респуб-ликань комсомолецне и одломатт-не, кода и сембе советский народсь, няфтезь беззаветнай эсь преданностьсном коммунистичес-кий партияти, советский власти и социализмань победатнень ве-ликой организаторсноты—наро-донь вождит Сталин ялгати.

СССР-нь Верховнай Совету выборхне вишкотець одломатт-нень политический активност-снот и ульсть теенза политичес-кий воспитаниянь боевой школак.

Большевиконь коммунистичес-кий партиять руководстванц ала СССР-нь Верховнай Совету избирательной кампаниять пинг-та комсомолецне и афсоюзной одломанень лувксть эзда кассть тьожатть талантливый пропаган-дист и агитаторхт, конат педа-пес преданнайхть Ленинонь-Сталинонь партияти и способнайхть больше-вистский идеатнень йотафтомас-нонды.

Мордовский республикань ком-сомольский организациятне обя-затт няфнемс нинге сяда оцю активност РСФСР-нь и МАССР-нь Верховнай Советтненьди кочкамат-неньди анокламаса.

Выборнай кампаниять йотафнемаса клупта, краснай уго-локта, морфтома кудта башка эрявихть использовандамс ульят-не, паркне, куттне и особенно пак-сянь статтнень и тракторной бри-гадатнень. Тяда башка одломатт-нень йоткса эрявихть тиендемс лекцият, докладт и беседат „Ста-линский Конституциясь и Советский одломаттне“, СССР-ть, РСФСР-ть МАССР-ть сатфкснот колга и ст. тов.

Горкомти и ВЛКСМ-нь райкомтненьди эряви йотафтомс ВЛКСМ-нь сек-ретарьхнень, пионервожатайхнень пропагандисттнень, агитаторхнень и комсомолецнень мархта избира-тельной кампаниянь кизефкснень колга совещаният, а тяфта жа сис-тематически проверяндакшнемс и кулхонкшнемс первичной органи-

зациятнень, райкомонь бюроса синь работасном колга отчетснот РСФСР-нь и МАССР-нь Верховнай Совету кочкаматнень эса.

Предвыборнай агитациясь и про-пагандась должн кеподемс нинге сяда вяри комсомолецнень и афсо-юзной одломаттнень революцион-най бдительностьснот сянкаса, што-ба педапес машфтомс народонь вракнень троцкистско-бухаринский подлай предательхнень и фашист-ский разведкань агенттнень.

Комсомолецне и сембе советский одломаттне должетт беспощадна-разоблачандакшнемс народонь вракнень, штоба аф молдамс синь вредительский коварнай тевснот, особенно избирательной кампа-ниянь пингста.

Ленинский комсомолонь Мор-довский организациясь, конач ащи ВКП(б)-нь Обкомть и ВЛКСМ-нь ЦК-ть руководстванц ала, нинге сяда теснайста пуроми Ленинонь —Сталинонь партиять перьф, ве-ликой вождит Сталин ялгати перьф и обеспечит сембе од избира-тельхнень участияснот РСФСР-нь и МАССР-нь Верховнай Совету кочкамаса и Верховнай Совету родинать лучшей ломанензон коч-камасном. Организовандамс РСФСР-нь и МАССР-нь Верховнай Совету депутаткс кандидатнень мархта од избирателень васедемат. РСФСР-нь и МАССР-нь Верховнай Советтненьди кочкаматненьди анок-ламать пингста эряви сядонга пак-вишкотецмс культмассовой рабо-тась. Организовандакшнемс кол-лективной радиопередачань, поте-фоннай пластинкань слушаният, выставкат, конат посвященнайхть депутатонди кандидаттнень колга.

Райкомтненьди и комсомолонь комитеттненьди эряви агитатор-хнень и пропагандисттнень мархта йотафнемс систематический рабо-та, штоба синь инструктирован-дамс важнай кизефксса, а тяфта жа содамс предприятиява, колхоз-га, совхозга конкретной обстанов-каты, коса кармай йотафневома агитационнай работа выборхнень-колга.

Левин.

Васянь лезксоц

Од-Толкувонь НСШ-са, 5 „Б“-классонь ученикс Вася Котлаш-кинц тоняфнема кизоть ушедоме пингстонза тонафнесь анычек от-личнайста.

Васяти ульсь кемокстаф 5 отста-юущай ученикт. Васенце шитнень пингста Васясь ушедсь упорнай-

ста синь мархтост работама. сонь-лэзксонц вельде нят ученикне-машфтозь эсь отставанияснот.

Тяда башка Васясь примоси ак-тивной участия ОСО-нь, МОПР-нь, и СВБ-нь организациятнень работа-сост.

П.

Рыбкинань район.

Аш воспитательной работа афсоюзной одломаттнень йоткса

Воспитандамс од поколениять коммунистический духса—Ленин-ский комсомолть основной и глав-най задачац.

Но кой-кона комсомольский ру-ководителхне тянимс ашезь шарь-хкодь комсомолть тя инь важней-шай задачанц и тянь сюнеда пцтай йофси юкснесазь и аерткшнихть афсоюзной одломанень массатнень эзда. Малав велеса лувондови 150 афсоюзной одломатт, конат не-посредственна работайхть колхоз-най производстваса и работайхть аф кальдявста. Ламоц синь эздост колхоза лувондовихть знатнай ломанькс, но первичной комсо-мольский организациясь синь йот-

кост эрявикс массово-воспита-тельной работа аф йотафни. Веле-са организовандафт добровольнай кружокт, но ня кружокнень рабо-тасна катф эсь отям молемати. Политкружокне, конат организо-вандафт паксянь статтнень эзга-станя жа аф работайхть.

Комсомольский [организацияти] эряви куроконя ладямс политико-воспитательной работат одло-маттнень йоткса.

С.

Рыбкинань район.

Ответ. редакторть инкса

Н. АЛЕМАЕВ.

г. Саранск, тип. „Красный Октябрь“